



Comune de Sorradile

Provintzia de Aristanis

www.comune.sorradile.or.it

Servitziu linguìsticu sardu de su Comune de Sorradile
Sotziedade Cooperativa L'ALTRA CULTURA

SU SARDU, LIMBA DE MINORIA

Ite est una minoria linguìstica

est una comunidade chi faeddât una limba diferente dae cussa ufitziale.

In Itàlia de minorias linguìsticas nde tenimus medas, amparaadas siat dae sa Costituzione de su 1948, chi in s'artìculu 6 narat: "La Repubblica tutela con apposite norme le minoranze linguìstiche", siat dae una lege de s'Istadu, sa 482 de su 1999 "Norme in materia di minoranze linguìstiche storiche".

Sas minorias italianas sunt:

Albanesu, chi faghet parte de sa familia de sas limbas indoeuropeas. Sos dialetos albanesos si sunt partzidos in duas variedades mannas, su ghegu e su toscu.



| | |
|------------------------|--|
| Tedesco | } Parlate alloglotte |
| Sloveno | |
| Franco-Provenzale | |
| Provenzale | |
| Ladino | } Dialetti italiani settentrionali |
| Friulano | |
| Gallo-Italico | |
| Veneto | |
| Toscano | } Dialetti italiani centro-meridionali |
| Mediani | |
| Meridionali intermedi | |
| Meridionali estremi | } Sardo |
| Logudorese-Campidanese | |
| Sassarese-Gallurese | |

S'albanesu est faeddadu in Abruzzo, Basilicata, Calabria, Campania, Molise, Puglia, Sicilia.

• **Croatu**, faghet parte de su sistema linguìsticu serbucroatu e appartenet a su grupu meridionale de sas limbas islavas. Est

faeddadu in Molise.

- **Francuprovenzale** est faeddadu in Valle d'Aosta, in unas cantas baddes de su Piemonte e in sos comunes de Celle di San Vito e de Faeto, in provintzia de Foggia.
- **Frantzesu** est faeddadu in Valle d'Aosta in ue b'est su bilinguismu italianu-frantzesu.
- **Friulanu** faeddadu in sa Regione Autònoma de su Friuli Venezia Giulia.
- **Germànicu** faeddadu in Trentino Alto Adige.

Greco est una variedade unu pagu diferente dae su greco modernu e est faeddadu in Puglia e Calabria.

- **Islovenu** est faeddadu in Friuli Venezia Giulia, a làcana cun s'Islovenia.

[Digitare il testo]

- **Ladinu** sunt sas faeddadas romanzas traditzionales de s'area dolomitica; est faeddadu in sas provìntzias de Bolzano, Trento e Belluno.
- **Otzitànicu** faeddadu in sas baddes otzitanas de su Piemonte e in su Comune de Guardia Piemontese, in Calabria
- **Sardu**, faeddadu in Sardigna



Su sardu est una limba neo-latina, ca benit dae su latinu, comente su catalanu, su corsu, su frantzesu, su friulanu, s'ispagnolu, s'italianu, su ladinu, su portoghesu, su rumenu.



Est faeddadu dae prus de unu milione de pessones in Sardigna e dunca est sa minoria linguistica prus manna de totu Itàlia. Sa limba sarda est amparada siat dae s'Istadu (Lege 482/99) siat dae sa Regione Sardigna (Lege 26/97) chi dant a su sardu sa matessi dignidade de s'italianu.

S'iscopu de sos istados in ue si faeddant una limba de minoria est cussu de arribare a su bilinguismu, est a nàrrere chi ambas limbas, sardu e italianu in su casu nostru, siant reconnotas a manera ufiziale dae s'istadu, ambas duas benint impreadas pro faeddare de cale si siat argumentu sena chi una potzat èssere considerada prus importante de s'àtera. Arribare a su bilinguismu diat chèrrere nàrrere a tènneres resurtados mannos pro nois sardos:

- s'impreu fitianu de ambas limbas dae parte de totus;
- su reconnoschimentu ufiziale de su sardu dae parte de s'Istadu Italianu;
- sa presèntzia de su sardu in cartellos, in sa toponomàstica e in cale si siat ratza de avisu;
- su bilinguismu in iscola;
- una cussèntzia noa chi nos permitat de bìdere su sardu comente limba e non prus comente dialetu de sa gente pagu istudiada.

Tocat a ammentare semper chi, èssere e nàschere *bilingue*, cheret nàrrere a tènneres una conca prus bona pro imparare, ammentare, repìtere, fintzas cando s'imparant àteras limbas.

Dunca, est cosa bona a fàghere su possibile pro dare ufizialidade a sa limba nostra, pro pòdere arribare a su bilinguismu. Su camminu est longu e prenu de ostàculos e dificultades, fintzas pro ite su sardu est istadu, pro sèculos medas, limba faeddada ebbia. Sos conchistadores chi sunt arribados a s'isula nostra nd'ant batidu sa limba issoro; ant arrichidu e fintzas mudadu sa nostra e cumpricadu s'assetu de sa limba sarda.

[Digitare il testo]

l'altra cultura
Sotziedadi Cooperativa - Aristanis

Isportellu Linguisticu Subracomunale
Prozetu Leze 482/99 Annada 2009 - Operadore Sara Firinu

Su sardu est unu ebbia ma bi sunt diferèntzias in sa manera de faeddare de nois sardos, bi sunt variantes medas, fortzis una pro onni bidde de Sardigna, diferentes intre issas.

Agatare una manera de iscriere chi potzat andare bene a totus, normas ortogràficas chi siant coerentes cun totus sas variantes de su sardu no est fàtzile, ma mancu impossibile.

Una limba chi est faeddada ebbia, mancat de carchi cosa, est una limba a metade, arriscat de iscumpàrrere.

[Digitare il testo]

l'altra cultura
Sotziedadi Cooperativa - Aristanis

Isportellu Linguisticu Subracomunale
Prozetu Leze 482/99 Annada 2009 - Operadore Sara Firinu